

AWE Mainta

E DIFERENCIA DEN NOTICIA

DESAROYO PELIGROSO DEN SECTOR TURISTICO

ABUSO FORMAL CU PRIJS EXAGERA Y SIN SENTIDO



3

PROME MINISTER TA PRESENTA E RELATO ANUAL 2023 DI SU MINISTERIO

POR DOWNLOAD Y LESA E RELATO ANUAL RIBA E PLATAFORMANAN MENCIONA

CUENTANAN ANUAL 2023 DI ATA TA CONFIRMA E MIHO AÑA DEN HISTORIA DI TURISMO

NO TIN CONFIANSA MAS RELACION POLITICO MEP-RAIZ NUNCA MAS!



Awo cu 2 florin mas, bo por gana e **MEGA PLUS**

* Afl.

550.000,-

* Afl. 420.000,- + Afl. 130.000,-
extra

Benta ta sera 7:30 pm y sorteo ta hunga 7:45 pm



HUNGA AWO



Tired of **Manually** Processing Forms?

SCANSYS
vision on imaging

- Digital Processing of Purchase Invoices and more
- Seamless Integration with most Financial Software
- Complete Control of Authorizations via Workflows

VCC
International NV

This **OCR software** scans any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com

Prome Minister ta presenta e relato anual 2023 di su ministerio

Por download y lesa e Relato Anual riba e plataformanan menciona



DURANTE Conferencia di Prensa di Gobierno di Aruba diahuebs mainta, Prome Minister Evelyn Wever-Croes a presenta e **“Jaarverslag di 2023”**, Relato Anual 2023 di su ministerio di Asuntonan General, Innovacion, Organisacion Gubernamental, Infraestructura y Planificacion Teritorial. E relato aki ta muestra un resumen di e trabounan ehecuta durante aña 2023.

Prome Minister a remarca cu e Relato Anual ta un relato cu su persona ta bin ta trahando caba desde e prome aña di Gabinete Wever-Croes. Na fin di aña 2018 a publica e prome Relato Anual y despues tur aña a sigui public’e y esaki ya t’e di 6 aña cu ta publica esaki.

E Relato Anual ta cuminsa cu un pre-ambulo unda ta duna splicacion con aña 2023 a bay 3 aña despues di Covid. Un aña di *‘Union y Positivismo’* na unda cu pueblo di Aruba en general a demostra su fortaleza pa logra un solo meta.

Despues ta sigui 4 capitulo:

1. Asuntonan General
2. Innovacion
3. Organisacion Gubernamental
4. Infraestructura y Planificacion Teritorial

Pa conclui e Relato Anual, Prome Minister ta duna un bista di

su ministerio pa aña 2024 y con pa continua.

Relato Anual 2023 a wordo presenta na Parlamento y na Gobernador y na e departamentonan concerni. Y pueblo di Aruba completo tambe por haya Relato Anual 2023 riba e Plataforma di Facebook di Gabinete Wever-Croes.

Por obtene esaki tambe riba pagina online di BUVO of via e link:

https://issuu.com/gabinetewevercroesaruba/docs/jaarverslag_algemene_zaken_2023

“Esaki ta e di 6 aña consecutivo cu mi ministerio ta publico e Relato Anual di e trabounan di e departamentonan cu ta resorta bou di mi ministerio y specialmente e retonan cu ta wordo encontra ainda tur dia y con nan ta atende cu esakinan. y esaki ta un legado cu nos ta laga atras p’e futuro generacionnan pa informa kico nos ta haci, haciendo y con nos ta atende cu e retonan.

Mi ta gradici tur esnan cu a yuda nos traha riba e Relato Anual 2023. Tur e departamentonan cu ta resorta bou di mi ministerio cu a duna nan relato y input. Danki pa boso cooperacion di tanto departamentonan y di mi ministerio cu a yuda compila tur informacion y traha un hopi bunita layout pa asina e ta mas atractivo tambe ora cu download y repas’e”, Prome Minister Evelyn Wever-Croes a expresa.

Desaroyo peligroso den sector turistico

Abuso formal cu prijs exagera y sin sentido



TIN un ‘trend’ preocupante cu tur instancia involvi tin cu atende prome cu cosnan sali for di man y afecta e sector turistico den mal forma. Loke ta haci e situacion ainda mas serio cu t’e propio comerciantenan cu ta depende grandemente di turismo, ta sigui insisti y persisti cu saca mas tanto dollar for di bishitante cu ta normal bou circunstancianan normal.

Na prome luga, prijs di un articulo, un cuminda of bebida, cualkier tipo di servicio cu ta ser brinda na comunidad, aki incluso bishitantenan, esta turistanan, no por diferencia di prijs na momento cu ta trata di bishitantenan.

Un balor di un “florin” nunca por ser calcula igual cu un “dollar” ya cu francamente bisa, e ta un tipo di ladroncia cu ta cometiendo contra di bishitantenan.

Es mas comerciantenan cu ta practicando esaki di aplica e balor di un florin igual na un dollar, ta “hortando” bishitantenan mescos cu cualkier figura antisocial cu ta cana riba beach horta propiedadnan personal di bishitantenan of ta forsa drenta den camber di hotelnan, pa horta nos bishitantenan.

Semper a considera e hecho cu ladroncia of atraco cometi contra turistanan, ta igual c’un tipo di ‘atentado’ contra interes general di e pais y pa cual tin ora Corte ta castiga esunnan cu haci nan mes culpabel na esaki, mas pisa.

Sinembargo e situacion actual ta pidi pa tur hende wordo castiga pa e tipo di infraccionnan aki, caminda ta “schommel” cu prijs di servicio, prijs di camber of hasta prijs di servicio medico, na momento cu ta trata di turista cu ta kedando

algun dia riba e isla.

Esaki tambe ta un hecho caminda tin instancianan cu ta brinda servicio medico, ta dicidi por ehempel di cobra un local un suma di AFL.100,- pa atende cu e ciudadano local pero ora c’un turista tin cu wordo atende pa **MESUN** tipo di atencion medico, e turista ta ser cobra mesun suma di 100 pero no florin pero na DOLLAR.

E no ta husto, e no ta bon y e ta ladroncia den dia cla y mesun cos ta instancianan cu ta duna servicio sea acuatico of ta brinda servicio deportivo riba lama, aki tambe ta cobra un hende local un prijs cu ta totalmente diferente na turistanan cu kier gosa di e servicionan aki.

Sinembargo pa loke ta servicio den varios restaurant local caminda aki tambe ta cobra un prijs na pa hendenan local pero e prijs ta bira dos of tres bes mas caro pa turistanan y loke ta mas serio ainda, cu e ora cu loke a wordo sirbi, no ta cuadra cu e prijs cu a ser pidi na dollar y riba esaki tin hopi reclamo di bishitantenan.

Tin servicionan di tour tambe rond di e isla, caminda principalmente turistanan di barconan crucero, ta bin haya nan mes confronta cu prijsnan asina halto cu nan ta dicidi di no haci uzo di e servicio y ta regresa su barco sperando e salida atardi of anochi.

E desaroyonan aki ta algo hopi delicado y na mes momento hopi peligroso ya cu ningun hende lo ta desea pa Aruba perde bishitantenan pa motibo cu e isla a haya fama di ta mucho caro, loke ya caba ta un desaroyo cu ta birando un realidad y esey no ta aceptabel.

laguna

Indulge in a diverse selection of salads, pastas, and beloved steaks and chops ensuring a dining experience to cherish.

Daily Live Music



Open daily for dinner from 5.30 to 10.30pm

Minister Dangui Oduber

Cuentanan anual 2023 di ATA ta confirma e miho aña den historia di turismo

DIALUNA atardi Minister di Turismo y Salud Publico sr. Dangui Oduber conhuntamente cu management di ATA, Board di ATA, management di AHATA, representante di Grand Thorton y ministerio di Turismo tabata presente pa un reunion di ATA su reportahe anual. Ta pa remarca cu e indicadornan cu ta midi resultado a demostra cu aña 2023 tabata e miho aña den historia di Aruba pa cu turismo.

Minister Dangui su maneho ta basa ariba:

1. Trece e turista afuente y di calidad.
2. Diversifica nos turismo innovando producto Aruba.
3. Haci inversionnan continuo den mehoracion di producto Aruba.
4. Crece Aruba cu un turismo sostenibel.

ATA a presenta e indicadornan cu a midi aña 2023 su logronan, unda a utiliza 90% di e presupuesto pa mercadeo y promocion di Aruba. Indicador principal cu ta midi e resultadonan ta tourism receipt, tourism arrivals y average daily spend. Tourism receipt a



crece cu 13.4% compara cu 2019, indicando un recuperacion fuerte y mas placa den nos economia. Ta pa remarca cu tourism receipts tawata mas halto cu e yegada di turistanan y esaki ta indica un cambio positivo den cantidad di turista pa calidad di turista.

Loke ta remarcabel ta e crecimiento registra for di nos mercado principal cu ta e mercado norte americano. ATA ta mercadia den diferente mercado, como Norte Americano, Sur Americano y Europa. Cada mercado tin nan mesun manera pa promove y ta adapta e mensahe y e promocion.

Ministerio di Turismo tin e responsabilidad pa sigura cu Aruba su economia ta sigui crece mientrastanto liderando cu practica di un turismo sostenibel. Proyectonan di sostenibilidad y innovacion ta aliniando cu e vision pa un sector turistico mas resistente y innovativo integrando tecnologia nobo pa mehora e experiencia total di e bishitante. ATA a presenta su *"Destination Development Plan"* cu a ilustra tur e proyectonan cu a cuminsa y lo wordo ehecuta pa un turismo mas sostenibel.

Pa finalisa, Minister Dangui Oduber ta percura pa sigui inverti den proyectonan pa mehora e producto y asina eleva e experiencia di e bishitantenan sin lubida ariba nos localnan. Minister Dangui Oduber a traha hopi duro hunto cu ATA, APA, AAA y demas partnernan den turismo manera ATSA, AHATA, Aruba Vacation Rental Association, ministerio di Turismo, y departamentonan di Gobierno. No por keda sin yama un danki special na e empleadonan di hotel, taxistanan, tour operators, sector di F&B y tur personanan cu ta traha den e sector di hospitalidad pa hunto asina logra record nobo di cifranan di turismo pa aña 2023.



**Results of the Treasury Bills issuance
by the Government of Aruba in the amount of
Afl. 10,000,000.00 for the period
May 2, 2024 – August 2, 2024**

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 1 of March 4, 2024.

The Centrale Bank van Aruba hereby informs that the Treasury Bills issue of May 2, 2024 in the amount of Afl. 10,000,000.00 with a maturity of three (3) months has been fully subscribed. The average yield of this issue is 3.40 percent.

Aruba, May 3, 2024
Centrale Bank van Aruba

No tin confiansa mas

Relacion politico MEP-RAIZ nunca mas!

PREPARACIONNAN pa proximo campaña electoral di 2025, ta den 'full swing' y reunion interno y reunion di contacto di candidatonan cu nan posibel sostenedonan, ta continuando den fin di siman, mescos cu aumento di actividadnan pa recauda fondo p'e campaña aki.

AWEMainta ta sigui ricibi informacion concreto riba varios di e reunionnan aki y ora cu analisa tur esaki, lo tin cu conclui cu definitivamente lo tin un 'continuacion' di un coalicion di e dos partidonan actual, cu ta MEP y RAIZ.

Sostenedonan cu ta atende varios di e reunion cu a bin ta tumando luga pa loke ta candidatonan di e partido mas grandi cu ta MEP, ta confirma cu no tin confiansa mas den e partido blanco di Ursell Arends ya cu e cooperacion aki a duna mas dolor di cabes p'e partido geel cu un of otro beneficio politico.

Esaki ta ser confirma tambe p'e hecho cu varios miembro di fraccion di MEP den Parlamento, a bin ta cuestionando e maneho di desperdicio hiba pa Minister Arends, caminda e solucion cu el a presenta den su maneho pa loke t'e dump na Parkietenbos, a transforma su mes den un problema ainda mas grandi.

Den porta di eleccion, e actual gobierno di coalicion lo tin cu busca un solucion pa atende cu e ola di critica cu tin ultimo tempo pa loke t'e maneho di Minister Arends, cual tabata un tipo di "verhuizing" di e dump na Parkietenbos, p'e sitio nobo na Sero Thijshi, caminda a dicidi di dera desperdicio cu antes tabata bay p'e dump bieu.

E sistema di procesa e sushi ta diferente pero e holo stinki ta birando dia pa dia mas fuerte y biento fuerte lo percura p'e holo aki bolbe plama den e barrio di Parkietenbos y bisindario loke ya t'e caso caba pa algun tempo.

Ta bin acerca cu e espacio pa sigui coba y dera sushi ta completamente satura y dentro di poco lo no tin mucho espacio pa dera sushi di cas mientras cu ainda no a soluciona kico tin cu haci cu cierto desperdicionan cu tin cu pasa dor di e 'incinerator' entre otro sushi cu ta bin for di hospital.

Mescos cu e situacion delicado cu tin n'e planta di purificacion di awa di riool na Bubali, cual mas bien ta responsabilidad di Prome Minister Wever Croes, e lider di RAIZ tambe ta carga cierto responsabilidad como Minister di Medio Ambiente pero e no ta interveni manera cu el a haci den e proyecto di beach pa Embassy Suites.

COALICION

For di 2023 caba hopi candidato di partido MEP no tabata kere mas den e coalicion cu nan partner RAIZ cual sentimento continuamente ta ser

vocifera durante di reunionnan di contacto cu a bin ta tumando luga pa algun tempo caba.

Den un di e encuentronan aki na Cadushi Largo, hasta lo a discuti riba deseo di e sostenedonan pa un posibel proximo gobierno di MEP caminda definitivamente a bin dilanti cu no tin sosten pa otro cooperacion cu partido RAIZ.

"Cu RAIZ, nunca mas!" tabata serio durante di e reunion aki confirmando cu den seno di e partido geel, e cooperacion aki no ta esun mas adecuado y cu e partido tin cu busca posiblemente un otro partner di coalicion si logra di haya e confiansa bek di votadonan!



Jolley Holding Aruba
V.B.A.

JOB OPPORTUNITY

Assistant Operational/Internal Auditor

Jolley Holding consists of 25 operating companies with diverse activities such as car dealers, car rental and leasing, retailing of souvenirs, gifts, books, leisure clothing etc, wholesale of consumer goods and pharmaceuticals, industrial laundry, real estate. The Group is active in Aruba, Bonaire, Curaçao and Antigua.

We are looking for an Assistant Operational/Internal Auditor for Jolley Holding. The Assistant Auditor will be responsible for streamlining internal controls and procedures, executing audit procedures to ensure that appropriate controls exist, processing is efficient and accurate and procedures are in compliance with corporate standards.

The Assistant Auditor also works on special projects with an emphasis on developing value-added recommendations that will significantly enhance our businesses. As the Assistant Auditor you will be reporting to the Internal Audit Manager of the Holding.

Jolley Holding offers a challenging position within a dynamic, international working environment where there is strong emphasis on both teamwork and self-reliance. Jolley Holding offers excellent compensation packages including secondary benefits such as a pension plan.

Job requirements

- A bachelor's degree in the areas of accountancy, controlling or being in an advanced study stage of obtaining a degree.
- At least 2 years successful experience in either audit, control or operational risk management.
- Good communications skills and a great team player.
- Highly developed attention to detail and accuracy.
- Able to work with tight deadlines and high standards of quality.
- Thrives on the challenge of working in diverse environments.
- Able to travel abroad on short trips.
- Strong command of spoken and written English and Dutch. Being fluent in Papiamentu is considered an advantage.
- Have a permanent residence status in Aruba.
- Part time employment can be optional.

Contact information

Is this the job you are looking for? Apply in writing (including your resume) to Mr. Sudesh Manichand, Managing Director Jolley Holding at Croesstraat 3, Oranjestad, Aruba or send an email at hrr@jolleyholding.com.

For more information call (+297) 528 9550.

A psychological test and past employer background check are part of our recruiting process. All information will be treated with the utmost confidentiality and discretion.

Cifra di desempleo ta sigui baha

Iniciativanan di gobierno pa cu e mercado laboral a conduci na un porcentahe di desempleo record di 4% pa 2023

DIALUNA ultimo a habri cu e bon noticia cu desempleo a yega e cifra record di 4%. E porcentahe aki ta esun di mas abou den historia di pais Aruba, y ta danki na e iniciativanan di Gabinete Wever Croes pa cu e mercado laboral.

Minister di Labor Glenbert Croes cu hopi orguyo a trece e noticia aki na comunidad. E mandatario a splica cu desde inicio di gobernacion di Gabinete Wever-Croes, Gobierno a pone e mercado laboral como un prioridad, mirando e cifra halto di desempleo cu tabatin. Awe e cifra di 4% ta un indicacion cu Gobierno ta creando cupo di empleo pa nos hendenan.

Feria Laboral pa Hobennan

Tambe, e mandatario a anuncia di lo ta organisando un "jobfair" pa e hobennan entre 16 pa 24 aña. Ministerio di Labor a lanta un "special taskforce" pa asina comunica cu e tres hotelnan sigurando cu nan lo duna preferencia na nos hobennan local pa loke ta cupo di empleo. E "special taskforce" aki ta presidi door di Sabine de Groot di EPE, Sarah Hardeveld

Tayer y Job Fairs 2024

- Job Fair Iberostar Grand Aruba - Januari 2024 – Hunto cu DPL
- "Feria Laboral" Universidad di Aruba & Aruba Doet - Maart 2024
- Arubadag – Job Fair - April 2024
- Renaissance Windcreek Aruba Resort – Job Fair – April 2024
- Secrets Baby Beach Resort – [Lo wordo anuncia](#)
- Job Fair 45+ y Pensionadonan – [Lo wordo anuncia](#)

Tayer y Job Fairs 2023

- Traha of Upgrade bo CV - 6 Mei 2023 – Organisa pa DPL
- AFBA Job Fair - Juni 2023 - Participacion DPL
- Mi trayecto pa progreso personal y laboral - Inverti pa Eleva y Progresar - Oct/Nov 2023 – Organisa pa DPL

EXECUTORIALE VERKOOP (AUCTION)

Executieveiling in opdracht van de hypotheekverstrekker; openbare verkoop krachtens artikel 3:268 van het Burgerlijk Wetboek van Aruba van de volgende onroerende zaken:

Opal 12

het recht van erfpacht tot 2-10-2058 op een perceel domeingrond, 775 m2, gelegen te Rooi Santo, kadastraal bekend als 2-C-2390

Inzetprijs: Afl. 1.158.720;

Onderhandse biedingen niet meer mogelijk.

De openbare verkoop vindt plaats eerst bij opbod en vervolgens bij afmijning op **15 mei 2024, om 10:00 uur**

ten overstaan van notaris mr. **C.M.A. Helmeyer**, notaris in Aruba, in de veilingzaal van Surfside Marina (Dolphin Room) aan de L.G. Smith Boulevard 7 in Aruba.

Let op:

In het geval onderhandse bieding (nog) mogelijk is, kunnen potentiële kopers hun bieding(en) uitbrengen door het invullen van een door notariskantoor Helmeyer opgesteld biedformulier, met overlegging van een bankgarantie en geldig identiteitsbewijs. De bieding dient uiterlijk 14 dagen vóór datum van openbare veiling, schriftelijk en onvoorwaardelijk te worden ingeleverd op het kantoor van Notaris Helmeyer.

De veilingvoorwaarden zullen uiterlijk 8 dagen voor de verkoopdatum beschikbaar zijn op het kantoor van Notaris Helmeyer.

Notariskantoor Helmeyer

Elleboogstraat 11-13

Tel: 280-2020 / WhatsApp: 699-2820

veiling@notarishelmeyer.com / auction@notarishelmeyer.com

www.notarishelmeyer.com

di DPL y Nataly Arends di Ministerio di Labor.

Pa Gobierno ta importante pa e hobennan sigui studia, ya cu pa nan esaki lo habri posibilidadnan infinito pa empleo. Pero pa esnan cu a scoge pa subi e mercado laboral na un edad hoben, EPE ta duna nan e posibilidad di engrandece nan conocimiento tumando cursonan necesario pa subi e mercado laboral exitosamente.

Feria Laboral pa 45+ y Pensionadonan

Dunando oido na e kehonan cu Minister Glenbert Croes ta ricibi di nos hendenan cu no ta hayando trabou pa motibo di nan edad pero como tambe nos pensionadonan cu kier sigui traha, e mandatario a anuncia tambe di lo ta organisando un feria laboral pa e categorianan aki di edad. Aruba, comercio, mester di trahado. Nos adultonan hoben y mayor kier traha. Pues nos ta bay trece e dos gruponan aki hunto, esta Comercio y e grupo cu ta buscando trabou, pa asina di e forma aki tambe 1. cumpli cu nos hendenan cu mester y kier un trabou y 2. aborda dje forma aki tambe e necesidad di trahado cu comercio tambe tin.

03 - 09 May '24

PRODUCE

Weekly Special

SUPER

Do it Center®

PAMPOENA



Normal Price ₣3.49

Get Discount ₣0.70

f Price. **2.79** PER KG

PEPPERS GREEN



Normal Price ₣6.95

Get Discount ₣1.56

f Price. **5.39** PER KG

GRAPE TOMATO 16OZ



Normal Price ₣7.49

Get Discount ₣1.50

f Price. **5.99** EACH

LETTUCE LEAF ROMAINE



Normal Price ₣11.29

Get Discount ₣2.34

f Price. **8.95** PER KG

HALOS CLEMENTINES 3LB



Normal Price ₣15.85

Get Discount ₣3.30

f Price. **14.65** PER BAG

GRAPES WHITE GREEN SEEDLESS



Normal Price ₣22.99

Get Discount ₣4.04

f Price. **18.95** PER KG

WATERMELON



Normal Price ₣15.95

Get Discount ₣2.46

f Price. **13.49** EACH

POTATO IDAHO 5LBS



Normal Price ₣8.95

Get Discount ₣2.20

f Price. **6.75** PER BAG

ORANGES NAVEL 4LBS



Normal Price ₣13.49

Get Discount ₣1.64

f Price. **11.85** PER BAG

SUPER Do it Center | Shaba 3, Noord | TEL: 5831111

Luna di Locura cu Lotto 5! Cu cada compra di 2 Lotto 5 riba e mesun ticket, ricibi 1 Lotto 5 loco completamente gratis!

LUNA di mei ta un Luna di Locura cu Lotto 5! Cu cada compra di 2 set di number di Lotto 5 riba e mesun ticket, bo ta ricibi un ticket di Lotto 5 loco completamente gratis. Si bo cumpra 4 Lotto 5 riba e mesun ticket bo ta ricibi 2 Lotto 5 loco completamente gratis. Si cumpra bo 6 Lotto 5 riba e mesun ticket bo ta ricibi 3 Lotto 5 loco gratis. Kiermen mas Lotto 5 bo cumpra riba e mesun ticket, mas Lotto 5 loco bo ta ricibi gratis!

Lotto 5 ta costa solamente 4 florin pa ticket y bo por combina bo 5 numbernan for di 01 te cu 35. Pidi bo rebendedo pa bo 2 set di 5 numbernan riba e mesun ticket y asina bo ta ricibi un Lotto 5 loco completamente gratis. Si bo no sa cua numbernan pa kies, bo ta pidi bo rebendedo pa 2 Lotto 5 loco riba e mesun ticket y ricibi un tercer Lotto 5 loco completamente gratis.

E promocion aki ta valido pa full e luna di mei cuminsando desde awe 3 di mei pa e sorteonan di Lotto 5 te cu 31 di mei. Por cumpra bo weganan di Lotto te cu 7:30PM na bo rebendedo preferi.



Sorteo di Lotto 5 ta hunga riba tur diaranson y diasabra anochi pa 7:45PM na TeleAruba pero tambe por wak sorteo di Lotto riba nos pagina di Facebook y YouTube.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Comprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

BUILD YOUR OWN HOME BUNDLE!

Pick & Choose TWO services

VOICE &
TV
Starts at
Afl. 96

VOICE &
INTERNET
Starts at
Afl. 161

TV &
INTERNET
Starts at
Afl. 178

Now with
FREE INSTALLATION



SETAR

setar.aw | Teleshops

* Free installation is valid only for new customers who apply for a combination bundle of Pick & Choose (TV + Internet, TV + Voice, or Voice + Internet) with a 2-year contract until June 8, 2024.

LUNA DI LOCURA!

**CUMpra 2 LOTTO 5
Y HAYA 1 LOTTO 5
LOCO GRATIS!**



CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO
COMPLETAMENTE GRATIS!

MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE
3 DI MEI TE CU 31 DI MEI

TECNOLOGIA

WhatsApp:

Descubri e triki secreto cu ta muestra cuanto mensahe bo a manda of a ricibi



WHATSAPP, e aplicacion di mensahe lider riba mercado, ta sigui innova cu funcion diseña nobo pa facilita e comunicacion di su usuarionan. Fuera di su updatenan periodico, e plataforma ta sconde algun sorpresa, cu por ta di gran uzo p'esunnan mas curioso.

Entre esakinan tin un funcion special cu ta permiti e usuarionan conoce e cantidad exacto di mensahe cu nan a manda y a ricibi, sin necesidad di instala aplicacion adicional.

Con pa sa cuanto mensahe bo a manda of a ricibi?

Pa cuminsa, ta esencial conta cu e ultimo version di WhatsApp pa cual ta recomienda verifica y update e aplicacion prome cu sigui.

Esakinan ta paso pa yega na e informacion aki:

- 1. Habri WhatsApp:** cuminsa cu e aplicacion riba bo dispositivo mobil.
- 2. Bay na menu di Settings, of ahustes:** esaki por haci door di touch e tres puntonan vertical ubica n'e skina ariba na man drecho di e screen.
- 3. Selecciona Storage and data (almacenamiento y datos):** e opcion aki bo por hay'e den e menu di settings y ta facil pa identifica.
- 4. Primi riba Network usage (Uso de datos):** aki bo por tira un bista di e uzo di dato y e cantidad di mensahe intercambia.

Ta importante destaca cu dependiendo di e modelo di celular y di e sistema operativo, e pasonan pa yega n'e informacion aki por varia levemente. No obstante, en general, e proceso lo mester ta intuitivo y facil pa sigui pa tur e usuarionan di WhatsApp.

WhatsApp: pakico e icono di dobel flecha ta sirbi? Siña uz'e

Den un di e ultimo updatenan di WhatsApp, propiedad di Meta, e usuarionan a nota e aparicion di un icono nobo den forma di dobel flecha den e chatnan di canal di diffusion. E novedad aki ta busca pa facilita e interaccion cu e contenidonan publica p'e artista y e influenciernan cu ta uza e canalnan aki pa comunica cu nan siguidonan.

E dobel flecha, segun informacion di "Xataka", tin un funcion hopi specifico: e ta permiti comparti di manera directo e contenido di e canalnan cu cual un usuario a abona. Door di click riba e icono aki, e usuario ta wordo redirigi na su lista di contacto, caminda cu e por selecta kende of kendenan e ta desea pa manda e mensahe specifico.

Anteriormente, e unico forma di comparti contenido di e canalnan aki tabata mediante screenshot of p'e usuarionan mas avansa instalando e version Beta di WhatsApp disponibel den e tiendanan virtual di aplicacion. E incorporacion di e icono aki di dobel flecha ta simplifica significativamente e proceso, integrand'e completamente den e interface standard di e aplicacion.

03 - 09 may '24

DRY

Weely Special

SUPER

Do it Center®

NESCAFE COLOMBIAN
BLEND 170GR



Normal Price ₡14.72
Get Discount ₡2.73

f Price. **11.99**
EACH

WHITE GRANULATED
SUGAR TALE+LYLE 1KG



Normal Price ₡4.99
Get Discount ₡1.50

f Price. **3.49**
EACH

CLAMATO TOMATO
COCKTAIL 11.5 OZ



Normal Price ₡2.99
Get Discount ₡0.40

f Price. **2.59**
EACH

FRESH
CASHEW BUTTER



Normal Price ₡6.99
Get Discount ₡1.00

f Price. **5.99**
100GR

EE TRADITIONAL
PASTA SAUCE 24OZ



Normal Price ₡5.99
Get Discount ₡0.40

f Price. **5.59**
EACH

EE HOT PEPPER 16OZ
JALAPEÑO SLICE



Normal Price ₡5.39
Get Discount ₡0.80

f Price. **4.59**
EACH

ZWITSAL 400ML
BODYLOTION



Normal Price ₡8.99
Get Discount ₡1.20

f Price. **7.79**
EACH

CAMPBELL CREAM OF
MUSHROOM SOUP 10.5 OZ



BEST
SALE

Normal Price ₡4.79
Get Discount ₡1.59

f Price. **2 for 7.99**

DOVE SOAP BAR
BEAUTY WHITE 100GR



BEST
SALE

Normal Price ₡2.29
Get Discount ₡0.99

f Price. **2 for 3.59**

SUPER Do it Center | Shaba 3, Noord | TEL: 5831111

Esaki t'e siguiente conflicto?

Filipinas ta acusa China di aumenta tension den lama di Sur di China



FILIPINAS ta acusa Guarda Costa di China di aumenta tension den awanan teritorial di Sur di China. E acusacion ta bin despues cu dos boto Filipino a sufri daño di tiro di cañon di awa lansa for di Guarda Costa Chines. Segun oficialnan Filipino, un boto di Guarda Costa y un boto di pesca a wordo ataca pa boto di Guarda Costa Chines mientras nan tabata bayendo p'e banco di Scarborough riba dialuna. E mision tabata enfoca pa yuda e piscadonan Filipino cu ta pisca den e area.

Comodoro Jay Tarriela, vocero di Guarda Costa di Filipinas pa asuntonan di e area di lama den Sur di China, a expresa su preocupacion p'e tacticanan cada bes mas intenso di China. El a señala cu e uzo di cañonnan di awa directamente contra barconan Filipino ta nifica un cambio alarmante den e enfoque di China. Tarriela a condena accionnan di China, describiendo nan como violacion di ley internacional y indicativo di uza forza desproporcionada.

Scarborough Bank, un luga crucial den e zona exclusivo economico (ZEE) di Filipinas, pa hopi hopi tempo ta un punto di disputa entre Filipinas y China. Aunke ningun pais tin soberania riba e banco, China ta sigui haci uzo di su reclamo teritorial, ignorando resolucionnan internacional.

Mientras Tarriela a clarifica cu e accionnan di China no ta un atake arma, el a subraya e presion creciente eherci p'e cañonnan di awa Chines, cu ta resulta den daño n'e barconan Filipino.

Filipinas, apoya pa un tratado di defensa mutuo di largo tempo cu Merca, a ricibi garantia di sosten di Washington. Merca a reafirma su compromiso pa defende Filipinas contra cualkier agresion arma den lama di Sur di China, incluyendo atakenan riba barconan militar y publico Filipino.

Respondiendo n'e acusacionnan, un vocero di e embahada Chines na Manila a reitera e reclamo di China riba e banco di Scarborough, conoci como Huangyan Dao, y a urgi Filipinas pa stop cu e provocacionnan. E reclamo expansivo di China den e awanan di China Meridional a bira un fuente di tension cu paisnan bisiña, incluyendo Filipinas, Vietnam, Indonesia, Malasia y Brunei.

E disputa ta enfatisa e tensionnan geopolitico mas amplio den e region, cu reclamanan den competencia pa teritorionan maritimo y interesnan strategico. Segun cu e situacion ta sigui evoluciona, preocupacionnan ta persisti tocante e posibilidad di mas escala y e riesgo di conflicto den e lama sur di China.

TARA LOUNGE
by Elements
RESTAURANT

SUNDAY BRUNCH
\$55 PER PERSON | CHAMPAGNE INCLUDED
11:30 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297 583-1100 ext 3

Kenya desplegando forsanan arma pa Haiti a pesar di retonan infrastructural



KENYA ta preparando pa manda forsanan arma pa Haiti fin di mei, pero e base construi pa Merca pa acomoda nan lo no ta cla, segun fuentenan familiarisa cu e discusionnan.

Despues di e establecimiento di un gobierno di transicion na Haiti, Merca ta anticipa cu algun di e forsanan Kenyano cu a compromete pa yuda stabilisa e pais y combati e gangnan violento lo cuminsa desplega riba 23 di mei. E evento aki ta coincide cu e bishita programa di Presidente di Kenya, William Ruto, na Washington y ta cla pa ser aclama como un paso significativo den relacion bilateral. Sinembargo, e despliegue a enfrenta retraso pa motibo di bataya legal na Kenya y oposicion di legisladonan republicano cu ta cuestiona e eficacia di e mision.

E base lo regarda un campo relativamente modesto pa un maximo di 200 personal, cual ta haci poco probabel cu esaki lo trata e violencia di gang cu ta plaga Haiti. Ademá, e falta di un instalacion designa ta nifica un obstaculo logistico p'e forsanan entrante. Apesar di e promesanan di Pentagon pa construi un base y facilidatnan medico, e construccion ainda no a cuminsa, cu ta trece duda riba e viabilidad di un despliegue na un escala mas grandi sin e infraestructura adecuada.

E falta di un plan pa acomoda e forsanan Kenyano ta lanta preocupacionnan tocante e viabilidad di e mision. E peticion pa comentario di e Consejo di Siguridad Nacional, Departamento di Estado y Departamento di Defensa no a ricibi contesta, cu ta laga incertidumbre riba aregлонan alternativo.

E intervencion di Merca den e historia turbulento di Haiti ta complica e esfuersonan pa diseña un strategia cu ta balansa estabilidad y soberania. Criticonan riba e plan apoya pa Merca ta inclui e falta di autorisacion explicito p'e forsanan Kenyano of Beninese uza forza contra e gangnan si ta necesario. Sinembargo, Departamento di Estado ta afirma cu por spera tal accion pa salvaguardia tanto e tropanan como e civilnan.

Mientras cu preparacionnan p'e despliegue ta avansa, e reto di trata e preocupacionnan di siguridad di Haiti respetando na mes momento su soberania ta keda primordial. Como cu deficiencianan di infraestructura ta un obstaculo significativo, e exito di e mision ta depende di un coordinacion efectivo y un accion rapido pa surpasa e retonan logistico.




We Are HIRING

Join Our Award-Winning Team

#1 TOP HOTEL IN THE CARIBBEAN
#18 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ IT SPECIALIST
- ✓ HOST/HOSTESS (AM/PM)
- ✓ BEACH ATTENDANT
- ✓ HOUSEKEEPING SUPERVISOR
- ✓ HOUSEMAN
- ✓ ROOM ATTENDANT
- ✓ FRONT OFFICE SUPERVISOR
- ✓ DOORMEN / DOOR LADY PART TIME


BENEFITS

ATTRACTIVE SALARIES WITH BONUS OPPORTUNITIES
5-DAY WORKWEEK (40-HOURS A WEEK)
WITH UP TO 27 VACATION DAYS BASED ON YEARS OF SERVICE
GYM MEMBERSHIP WITH BODYZONE AND CUTS & CURVES
+ LIFE AND HEALTH INSURANCES
SAVINGS & LOAN PROGRAM, EMPLOYEE DISCOUNTS

APPLY ONLINE AT: WWW.BUCUTI.COM/CAREERS



Apple buscando pa resolve problema di alarma afectando usuarionan rond mundo



APPLE ta reconoce y ta atende activamente c'un problema preocupante cu ta afecta algun usuario di iPhone: alarmanan no ta zona, cu ta causa un exceso di sueño involuntario.

Como cu smartphonenan ta sirbi como alarmanan indispensable pa hopi, e silencio repentino di alarmanan a causa frustracion cerca usuarionan cu a hiba nan kehonan riba plataforma di rednan social manera Tik Tok. E reportahenan di alarmanan cu no ta zona a crea duda riba e alcance di e problema y si e ta specifico pa cierto modelo di iPhone.

Aunke Apple a confirma cu e tin conocimiento di e problema, e detayenan tocante su causa y posibel solucionnan ta keda sin revela. E compania no a especifica cuanto usuario ta wordo afecta of si e mal funcionamiento ta isola den un modelo particular di iPhone.

E prome alertanan riba e problema a surgi riba e programa Today di NBC, cu a hiba e usuarionan pa busca solucionnan temporal te ora c'un solucion oficial wordo implementa. Sugerencia ta inclui verifica e configuracion di e alarma y sigura cu e volumen di e aparato ta na un nivel halto pa evita di drumi pasa voobij pa motibo di un eror humano.

Tambe a surgi speculacion riba e origen di e problema, y algun ta atribui e culpa n'e "attention aware feature" di e iPhone."E funcionnan aki, disponibel riba iPhone X y modelonan despues, ta permiti e aparato pa regla e volumen di alerta segun e atencion di e usuario. A lanta preocupacionnan cu e funcionnan aki por silencia alarmanan inadvertidamente si nan ta activa.

Algun usuario di TikTok a sugeri cu pone cara di un usuario drumi riba e pantalla di iPhone por activa e funcionnan di atencion consciente, cu por silencia alarmanan segun e configuracion di e aparato.

Apple a sigura usuarionan cu e ta trahando activamente riba un solucion pa rectifica e mal funcion di e alarma pronto. Sinembargo, te ora un resolucion ta implementa, usuarionan lo mester recorri n'e alarmanan tradicional cu ta lanta na for di sueño.

BAN
COLOMBIA
BOGOTA
CALI
MEDELLIN

ARUBA/
COLOMBIA
CUMINSANDO NA PA DESTINO

\$100 USD

AUA
AEROPUERTO INTERNACIONAL REINA BEATRIX

wingo.com
¿Cómo quieres volar?

DEPORTE

deporte@awemainta.com

E sensacion di boxeo Mexicano “Canelo” Álvarez lo defende un titulo indiscutibel contra Jaime Munguía



SAÚL “Canelo” Álvarez, conoci pa su habilidad den ring di boxeo, lo defende su titulo indiscutibel di peso super middle-weight contra su compatriota Mexicano Jaime Munguía riba 4 di mei na Las Vegas, net prome cu celebracionnan di Cinco De Mayo. E pelea aki, cu ta coincide cu e fin di siman di fiesta nacional Mexicano, ta hopi spera, marcando un momento historico ya cu dos peleador Mexicano ta competi p’e cinturón di e campeonato.

Álvarez, c’un record profesional di 64-2-2, no ta un desconoci. Reconoci pa su habilidadnan excepcional, el a cementa su status como un di e nombrenan mas importante di boxeo. Mientras tanto, Munguía, c’un record perfecto di 43-0 cu 34 knockout, ta presenta un desafio formidabel n’e reinado di Álvarez.

E lucha tin un nificacion particular ya cu Álvarez ta bolbe n’e division di peso supermedio despues di un incursión cortico den peso semi-pisa, caminda el a experiencia un perdida sorprendente contra Dmitry Bivol na 2022. For di e momento ey, Álvarez a recupera su dominio den e categoria di peso supermedio cu tres victoria consecutivo.

Munguía, naci na Tijuana, Mexico, a bira un strea den ascenso

den e deporte, c’un historia impresionante di victoria. Su triunfo recién riba John Ryder a muestra su habilidadnan formidabel y a solidifica ainda mas su status como aspirante n’e titulo.

Agregando un elemento intrigante n’e pelea t’e participacion di e ex campeón di boxeo Oscar de La Hoya, kende ta sirbi como promotor di Munguía. Golden Boy Promotions di De La Hoya a representa Alvarez anteriormente, agregando un capa di complejidad n’e enfrentamento.

A pesar di e emocion rond di e pelea, Álvarez ta enfrentando critica pa no enfrenta e invicto David Benavidez, tres biaha campeón super mediano di WBC. Leyendanan di boxeo manera Floyd Mayweather Jr. a expresa nan deseo di mira Álvarez confronta Benavidez, agregando combustible n’e anticipacion cu ta rondona posibel enfrentamentonan futuro.

Mientras e mundo di boxeo ta ansiosamente warda e enfrentamento entre Álvarez y Munguía, e fanaticonan ta anticipa un emocionante exhibicion di habilidad y determinacion mientras dos di e miho boxeadores di Mexico ta competi pa supremacia den e ring.

Emocion pa Kentucky Derby 2024 ta aumenta:

Cabay, probabilidad, seleccion di experto



NA yegada di e prome siman di mei, e expectativa pa Kentucky Derby 2024 ta aumenta, un evento emocionante cu ta figura algun di e miho cabaynan di careda di mundo. A pesar di e retonan enfrenta durante e careda di e aña anterior, e organisadonan ta optimista cu e biaha aki e evento ta mas fluido, c'un cancha di 20 cabay pa competi.

Sinembargo, ausencia di e entrenador notabel Bob Baffert for di e campo, despues di e escandalo di Medina Spirit, ta añadi un capa di intriga n'e competencia. C'un campo asina grandi, bet ariba e careda ta bira un desafio, hasta p'e apostadonan experiencia.

E yabi pa exito den e Kentucky Derby ta den identifica e cabay c'un combinacion di velocidad maximo, resistencia y habilidad di careda.

Mientras cu esnan cu ta marca e ritmo hopi biaha ta causa un impresion trempan, t'e cabaynan cu ta acecha, capaz di conserva energia prome cu haci un sprint na ultimo, tin e tendencia pa sobresali den e careda agotador di 1 1/4 di miya.

Entre e faboritonan pa Kentucky Derby 2024 ta Fierceness,

cu ta habri c'un probabilidad di +250. Forma p'e legendario Todd Pletcher y monta p'e jockey experiencia John Velásquez, Fierceness tin e velocidad pa lidera e grupo, pero e dudanan tocante su resistencia p'e careda mas largo ta persisti.

Otro competido pa tene na cuenta ta Catching Freedom, cu probabilidad di +800. Conoci pa su explosion final y monta p'e cabayista Flavian Prat, e habilidad di Freedom pa recupera tereno den e trayecto final ta haci'e un menasa formidabel, specialmente si esnan cu ta marca e ritmo ta flakia.

P'esnan cu ta busca 'sleeper picks', Just Steel y Domestic Product ta ofrece opcionnan interesante. Just Steel, cu probabilidad di +2000, tin un pedigree solido y e potencial pa sorprende, mientras cu Producto Nacional, un posibilidad remoto di +3000, ta mustra promesa den salida limita y por surpasa e expectativanan riba dia di careda.

Mientras e countdown pa Kentucky Derby ta cuminsa, e emocion ta palpabel tanto entre e fanaticonan como entre e pustadonan. C'un campo yen di talento y incertidumbre, e escenario ta cla pa un emocionante y impredecibel "Run for the Roses".



Suspension di MLB despues di Pelea entre Brewers y Rays



Foto: Benny Sieu-USA TODAY Sports

UN pelea durante un wega recien entre Milwaukee Brewers y Tampa Bay Rays a resulta den varios suspension dicta pa Major League Baseball (MLB). E reliever di Milwaukee, Abner Uribe, a ricibi un suspension di seis wega, mientras cu e opener Freddy Peralta a keda suspendi pa cinco wega. E hardinero di Rays, José Siri, inicialmente a enfrenta un suspension di tres wega, cu despues a reduci esaki na dos wega, y e manager di Milwaukee, Pat Murphy, a wordo suspendi pa dos wega. Ademá, tur cuater persona a wordo multa.

E pelea a tuma luga durante un wega entre Brewers y Rays, a causa di un incidente den cual Peralta intencionalmente a tira riba Siri, kende anteriormente a bati un homerun. Esaki a hiba na un confrontacion entre Uribe y Siri cerca di e prome base, cu a culmina den un pelea formal.

Uribe su suspension tabata pa motibo di su rol den instiga e incidente, mientras cu Peralta a keda disciplina pa tira riba Siri intencionalmente. Murphy, e manager di Brewers, a ricibi un suspension pa su accionnan durante e lucha y pa

conducta inadecua den direccion di e arbitronan.

Siri, kende a sufri un hematoma na su pia robes despues di a wordo gedal pa un lansamento di Peralta, a sostene cu e no a provoca e pelea y a expresa confusion p'e accionnan di Uribe. A pesar di a ricibi un suspension reduci, Siri a enfatisa cu e no tabata tin rencor pa Peralta.

E incidente ta enfatisa e tensionnan cu por surgi durante weganan di baseball di riesgo halto, cu emocionnan intenso na ambos banda. Mientras cu celebracion di lansador y bateador ta comun den deporte, conflicto manera esaki ta pone den evidencia e liña fino entre e spirito competitivo y e conducta anti-deportivo.

Despues di e pelea, oficialnan di MLB a tuma medida rapido pa trata e situacion, emitiendo suspension y multa n'esnan involvi. Segun cu e hungadonan y e tecnico afecta cumpli cu nan suspension, ambos ekipo lo continua nan respectivo temporada, cu e speranza di supera e incidente aki y concentra riba e weganan binidero.

FARANDULA

Conmocion riba rednan social pa paradero di Buddy

Rumor for di Aruba "Buddy Love" no ta forma parti mas di Buleria

© April 28, 2024 • 2 minút pa lesa




DESDE diaranson atardi por a nota diferente especulacionnan riba rednan social pa cu e posibel salida di Jair 'Buddy' Versprey for di e banda popular Buleria. A pesar cu ni Buleria ni Buddy a emiti informacion oficial, rumornan ta persisti, di un posibel conflicto den e banda. E rumornan ta wordo sosteni p'e ausencia di Buddy durante e presentacionnan di Buleria na Boneiro su 'Fiesta di Rincon' como tambe e dificultad pa haya contacto cu e cantante y reaccion di parti ambos banda di medaya. Unda tin huma, tin candela?

Ana del Castillo ta genera controversia cu ropa cu ta laga poco na imaginacion



ANA del Castillo a genera controversia riba rednan social ora cu el a yega n'e Premionan Upar Awards 2024 c'un ropa chikito cu a laga poco na imaginacion. Mientras algun tabata elogia su curpa, otronan tabata critica su estilo arriesga, calificando'e como "ordinario" y "vulgar". A pesar di su talento vocal, e enfoke a desvia na su bistentonnan, opacando su participacion den e gala cu ta reconoce e miho di vallenato na Colombia. Esaki no t'e prome biaha cu Ana del Castillo ta atrae atencion cu su paña preta y provocativo. Ademas, su colaboracion cu Paola Jara den e cancion "En teoría" ta demostra su capacidad pa reinventa su mes den musica regional, maske el a lanta opinionnan contrario den e fanaticonan. E fusion di estilonan musical entre e dos artistanan ta ofrece un combinacion unico, siguiendo e tendencia di fusion vallenato cu musica popular.

Taylor Swift cu record di 14 cancion riba lista Billboard



TAYLOR Swift a marca historia un biaha mas cu su ultimo album, "The Tortured Poets Department", door di sigura e prome 14 luganan riba e Lista Billboard Hot 100. Esaki ta surpasa su record anterior di 10 pista di "Midnights" di 2022. Su dueto

cu Post Malone, "Fortnight", ta lidera e grupo na number 1, marcando su di diesdos prome puesto den e chartnan. Cu 76,2 milyon di streams, e ta bira su di nueve number 1 riba e lista di cancionnan di streaming, e cantidad di mas grandi entre artistanan femenino. Swift awor tin e record di mas number 1 hit entre artistanan femenino, cu 12 en total. Su album a debuta na No. 1 riba Billboard 200 cu 2.61 milyon unidad, e di dos debut mas grandi den historia. Swift a expresa su gratitud riba rednan social, gradiciendo fanaticonan p'e apoyo abrumador y entusiasmo pa su proximo tour.

Drake a laga kita 'Taylor Made' for di medionan social



DRAKE a kita su cancion "Taylor Made Freestyle" for di medionan social despues di menasanan di un demanda di herederonan di Tupac Shakur. E track, inicialmente un burla dirigi na Kendrick Lamar, tabata presenta versionan genera pa AI di Tupac y Snoop Dogg. Representante legal Howard King, a manda un advertencia na Drake, cu a clasifica e uzo di e stem di Tupac como no autorisa y un violacion di su derechonan.

Snoop Dogg a condena vagamente e uzo di su bos por medio di AI. E cancion tabata parti di un disputa cu tabata tumando luga entre rappernan, provoca p'e verso di Kendrick Lamar den "Like That." Esaki ta bin despues di e colaboracion di Drake y J. Cole "First Person Shooter" y Lamar su respuesta den "Like That. Cole tambe a lansa un contesta, "7 Minute Drill", pero despues el a elimin'é .

Trailer: Mufasa: The Lion King



BARRY Jenkins, e director aclama di "Moonlight" y 'If Beale Street Could Talk', ta hiba nos bek na 'Pride Lands cu 'Mufasa: The Lion King'. E prequel aki di e 'remake' di Jon Favreau di 2019 ta priminti di explora e ascenso di e tata legendario di Simba, mientras ta explora e detayenan di e secuela cu ta sigui e famia di Simba y Nala. Jenkins ta trese su estilo caracteristico n'e pelicula di animacion fotografico aki, colaborando cu su ekipo di custumber y un elenco di strea cu ta inclui Donald Glover, Beyonce noba-tonan manera Blue Ivy Carter. Cu Lin-Manuel Miranda na encargo di e composicion, e pelicula ta priminti di ofrece tanto show como naracion. Mientras cu e detayenan di e narrativa ta escaso, fanaticonan por spera di mira e biahe di Mufasa for di su comienso humilde te bira e lider venera cu nos conoce. "Mufasa: The Lion King" ta yega e cinema 20 di december 2024.

Trailer: Lee; Kate Winslet ta un fotograf cu ta conta e lucha den historia di bida real

KATE Winslet ta tuma e papel di e corresponsante di guerra y fotograf Mericano di bida real, Lee Miller, den e siguiente pelicula "Lee". Dirigi p'e director premia di fotografia Ellen Kuras, e pelicula ta enfoca riba un decada crucial den bida di Miller durante segunda guerra mundial.

Miller, kende un tempo tabata un modelo di pasarela, a



cambia glamour pa peligro, captando algun di e imagennan di guerra mas inolvidabel di siglo 20. Entre nan ta un famoso potret di Miller mes, posando desafiante den e baño priva di Hitler. Pero tras di su balor ta sconde un storia di lucha contra trauma di mucha y sacrificio personal.

E elenco yen di strea ta inclui Josh O'Connor, Andrea Riseborough, Andy samberg, Alexander Skarsgård y Marion Cotillard. "Lee" ta priminti un mescla di drama interno y escenanan di guerra explosivo, cu ta yega cinema 13 di september.

Sofia Vergara ta comparti motibo pa no haya yiu cu ex-esposo Joe Manganiello



SOFIA Vergara, di 51 aña, recientemente a comparti pakico el a dicidi di no tin yiu cu su ex-casa Joe Manganiello. Aunke e tabat'in un yiu homber, Manolo, el a sinti cu no tabata e momento apropia durante su matrimonio cu Joe. El a splica cu su carera, estilo di bida y dinamica matrimonial no tabata alinia cu trece un otro yiu na mundo. Sofia a enfatisa e sacrificio y energia necesario pa maternidad, y a respeta e eleccionnan di otro,

pero el a sinti cu e no por a duna 100%. Su separacion di Joe aña pasa tabata parcialmente debi na diferente deseo di tin yiu. Aunke e no a menciona su bataya legal riba embryonan genera cu su ex Nick Loeb, el a expresa goso pa su relacion cu Manolo. Sofia, un entusiasta di beyesa, a revela cu e ta felizmente saliendo cu Dr. Justin Saliman. E ta atribui su educacion Latino na su amor pa bunitesa y su pasado di 'nerd' na scol. Recientemente el a haci un operacion grandi na su rudia, y ta gradici su novio pa su sosten.

Prins William ta comparti informacion tocante estado di salud di su esposa Kate



PRINS William a duna un breve update riba e salud di su esposa Kate Middleton mientras e tabata asisti na un evento publico. E Prins di Wales, di 41 aña, a menciona cu Kate, di 42 Aña, y su tres yiunan, Prins George, Prinses Charlotte y Prins Louis, ta bon. El a gradici

e simpatisantenan pa nan sosten. E pareha a tuma un descanso for di nan debernan real mientras Kate tabata somete su mes na un tratamiento contra cancer. El a sufri un operacion exitoso na januari, pero despues el a revela cu el a haya cancer, cu a conduci na kimoterapia preventivo. Kate

a expresa su gratitud p'e sosten cu el a ricibi. E prins a bolbe na su debernan despues di a yuda cuida su famia durante e momento desafiante aki.

"E Ta Hasimi Hopi Tristo" Daniel Radcliffe a reacciona riba e posicion anti- transgenero di J.K. Rowling



DANIEL Radcliffe, conoci pa su rol di Harry Potter, a expresa tristesa p'e posicion anti-transgenero di J.K. Rowling den un entrevista cu 'The Atlantic'. E comentarionan di Rowling, cu a inclui no pordona Radcliffe y Emma Watson pa apoya derechonan di personanan transgenero, a desapunta e actor. Radcliffe a defende su derecho pa papia riba topiconan importante, a pesar di duna merito di exito di e serie di Harry Potter na Rowling. El a reitera su apoyo na hende muhe transgenero, enfatizando cu nan identidad mester ser respeta. Radcliffe ta spera cu e comentarionan di Rowling no ta baha e balor cu e lectornan ta haya den e serie, cu ta promove temanan di amor, diversidad y aceptacion.

NUEVA RUTA

LIMA ✈️ ARUBA

Todos los jueves,
sábados y domingos

COMPRA
tu ticket en
www.latamairlines.com

PARA MAS INFORMACION VISITA WWW.AIRPORTARUBA.COM

Carolyn Kock cu cancion nobo “Ya bo no ta Pan y Biña”



CAROLYN Kock a lansa su cancion nobo cual ta un cover di e cancion di Jorge Luis Bohorquez “Una cancion para la comunion”. Un idea cu a nace aña pasa pa Carolyn canta un cantica dedica na Hesus mirando cu e aña aki Carolyn ta haci su prome Santa Comunion.

E cantica aki tabata pas precies pa su prome Santa Comunion y p’e motibo aki a laga traha un cover di dje na Papiamento special p’e comunidad di e islanan ABC. E adaptacion di e letranan a wordo haci pa Ruth Gaarie y Robert Kock, e recording y mastering tabata den man di Diego Henriquez di DH Music Factory y Carolyn su coach di canto tabata Ruth Gaarie.

E video clip a wordo graba na Parokia Sagrado Curason di Hesus na Savaneta. Un danki special na Pastoor Andres di Parokia di Savaneta pa e oportunidad aki. Carolyn su vestuario p’e video clip tabata den man di Merida Quant. Su Hair & make up tabata den man di Caithlyne Kock.

E video clip a wordo graba y edita pa Robert Kock, y tabata bou direccion di Chastity Kock-Hodge y Robert Kock. **E video clip por wordo aprecia riba e link aki:** https://www.youtube.com/watch?v=cvE8qHBd_GM.

Esaki ta riba e youtube channel di Pitbull Advertising and Entertainment. Un cancion canta pa un stem angelical cu un bunita melodia di piano y violin, cu ta refleha ariba e bunita momento di e sacramento di eucaristia ricibiendo e comu-



nion. Un cancion pa por toca henter aña y tambe special pa un ricibimento.

Disfruta di “Ya bo no ta pan y biña” canta na Papiamento pa Carolyn Kock, cual tambe ta obtenibel na tur radio emisora dus yama pidi bo locutor favorito pa e bunita cancion aki. Ban apoya nos muchanan cu ta yen di talento.

Un danki na Caithlyne Kock pa e bunita potretnan.



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3

Telefon: 5646733 - 5653466

E-mail: info@carlymar.com

GAMING

League of Legends

MSI 2024 Play-in Stage – Dia 1 y 2

CHENGDU a surgi como e punto central pa League of Legends, atrayendo profesionalnan di mas halto cla pa mustra nan habilidad den un di e torneonan mas anticipa di aña, MSI 2024. Cu un suma impresionante di \$250,000 na premio y luganan garantisa pa Worlds 2024 pa gana, e apuestanan nunca tabata mas halto. Pa fanaticadanan, t'e comienso di un periodo intenso yen di wega cu ta captura nan atencion, specialmente ora e etapa di Play-in di MSI 2024 ta desaroya.

Prome dia:

Dia un ta cuminsa cu un enfoke riba Grupo A, cu ekiponan di poder manera T1, Estral Esports, FlyQuest, y PSG Talon. T1, un organisacion legendario, ta enfrenta desafionan resultante di atakenan DDoS reciente cu a marca nan team, sumando na nan lucha den e LCK. Sinembargo, nan reputacion ta keda formidable, creando un epic stage pa un lucha intrigante cu Estral Esports. FlyQuest, na otro banda, ta dreña e lucha cu un team reactiva, cla pa enfrenta e campeonnan reinante di WORLDS, T1.

Mientras e batayanan aki ta desaroya, nan no solamente ta forma e destino di ekiponan individual, pero tambe tin implicacionnan mas amplio p'e paisahe competitivo di League of Legends. E trayecto pa MSI y Worlds ta carga cu desafionan, pero t'e desafionan aki cu ta pone e berdadero campeonnan den e comunidad di esports.

Di dos dia:

Memey di e accion, fanaticadanan ta anticipa e encuentro entre Fnatic y GAM Esports, prometiendo un enfrentamento di habilidad y strategia. E revitalisacion di Fnatic, lidera pa 'Humanoid', a bin ta un espectáculo pa wordo observa, mustrandó nan determinacion pa recupera gloria anterior. Sinembargo, enfrenta contra e formidable VCS roster ta presenta un desafio significativo, mustrandó e profundidad di talento den e siña di League of Legends.

Mientras e competencia ta andando, fans mundial lo wak e triunfo y tribulacion di nan teamnan preferi, celebrando victorianan y sintiendo e aguilá di derota. Sinembargo, den tur esaki, e pasion y dedicacion di hungado y fanaticadanan igualmente ta sirbi como un testamento n'e atraccion duradero di wega competitivo. Asina, preparando p'e batayanan cu ta bin y prepara pa wak e habilidad y entusiasmo puro cu ta haci League of Legends un fenomeno global.



STAGE: PLAY-INS BRACKET STAGE			
Round 1		Round 2	
FlyQuest	2	T1	0
PSG Talon	1	FlyQuest	0
T1	2		
Estral Esports	0		
Round 2		Round 3	
Estral Esports	0	TBD	-
PSG Talon	0	TBD	-

Round 1		Round 2	
Fnatic	2	TOP ESPORTS	0
GAM Esports	0	Fnatic	0
TOP ESPORTS	2		
LOUD	0		
Round 2		Round 3	
LOUD	0	TBD	-
GAM Esports	0	TBD	-



Den Cyberpunk 2077 un di e enemigonan mas mortifero no ta un ‘Boss’


E “Dogtown stadiums’ catwalks” por t’e enemigo mas grandi di tur



POCO mas cu shete luna despues di e lansamento di e DLC di Cyberpunk 2077, e desaroyador CD Projekt Red a revela un estadistica sobresaltante tocante e encuentronan peligroso di Night City.

Segun e data, e robot *Militech Chimera 0005-C M* a causa tres miyon fayecimento desde su debut, sigui cerca p’e *Militech Cerberus MK-II* cu 2.9 miyon, y despues e garashi bandona bao di e stadion di Dogtown, tumando 2.6 miyon bida.

“Agentenan secreto ta enfrenta adversarionan formidabel manera e *Cerberus’s deadly grasp*, the *Chimera’s military prowess* and... *Dogtown stadium’s rickety catwalks*?” e tweet ta pregunta. “*Songbird* por a lamenta su seleccion di merc despues di mira varios *Vs* tropezá prome di yega na



Dogtown Walls. Hende, tene cuenta di bo paso!” Sin duda esnan cu a cay for di e “catwalk” peligroso mester a sinti un tiki berguensa.

Pa ta husto, e protagonista di e RPG ta traspasando altura basta riba e catwalks, bulando di plataforma pa

plataforma. No ta sorpresa cu algun Vs por desbalansa durante e trayecto. Sinembargo, no tur hende ta haya esaki asina dificil. “*Serio? Tur hende tabata trata di salta e espacio?*” un usuario di Twitter a puntra. “*Con hende a keda cay aya, bo tin dobel jump y airdash?*” un otro a bisa. Pero e cifranan ta conta nan mes.

Den otro noticia, Paweł Sasko di CD Projekt Red, kende a traha como diseñador di mision pa *Libertad Fantasma* y t’e director asocia di e secuel di Cyberpunk 2077, a revela cu ‘*The Witcher 4*’ ta den desaroyo intensivo, mientras cu Cyberpunk 2 ta retene mayoria di su desaroyador senior pa “*preserva*” e esencia di e RPG. Sinembargo, e desaroyador a adverti cu ainda ta den e “*etapanan relativamente tempran*” di desaroyo, asina cu no bira mucho entusiasmo ainda.

A gasta mas di \$1 biyon riba wega y tin plan p'e siguiente 100 año

Hasbro ta efectivamente introduciendo su mes den e mundo di video games

E movimiento ambicioso aki ta bin despues di e exito rotundo di Baldur's Gate 3, cu a gana varios premio di Wega di Aña, a spark discusionnan riba calidad di wega, y a ricibi algun di e scorenan mas halto di revision.

E triunfo di e wega tambe a resulta lucrativo pa Hasbro, e compania mayor di Wizards of the Coast, e creador di Dungeons & Dragons 5th edition, e sistema di mesa ariba cual Baldur's Gate 3 ta basa.

A pesar di cu Larian Studios a sigui cu otro proyecto, Dan Ayoub, hefe di desaroyo di producto digital na Wizards of the Coast, ta segura cu e ambicion di Hasbro den video games ta leu for di su fin: *"Hasbro ta efectivamente trahando video games... nos tin un inversion considerabel den nos structura di studio; nos tin mas di \$1 biyon den video games awor ta den desaroyo."*

Ayoub ta enfatisa cu e enfoke fundamental di Hasbro semper a ta riba hunga y entretenimento, cu gaming ta un forma predominante di entretenimento pa hopi hende y un industria cu ta sigui expande.

E revelacion aki por parce sorprendente, considerando e conexion duradero entre tabletop role-playing games (TTRPGs) y video games di RPG. Sinembargo, e exito di Baldur's Gate 3 ta subraya e atractivo duradero di un experiencia D&D bon traha.

Ayoub ta sigui discuti e proximo proyecto di Hasbro, incluyendo un wega di GI Joe y Exodus, un IP original reminiscente di Mass Effect, desaroya p'e studio Archetype Entertainment di Wizards of the Coast.

Relativo na Baldur's Gate 3, Ayoub ta elogia esaki como un ehemplo primordial di ehecucion autentico di marca, nota e entusiasmo di e hungadonan y nan deseo pa mas contenido.

Mientras algun por atribui e exito di Baldur's Gate 3 solamente na su marca, Ayoub ta kere cu esaki ta resultado di 'craftmanship' dedica.

E ta reconoce e skepticismo rondando e salida di personanan clave involvi den e acuerdo di Baldur's Gate 3, pero ta segura cu Hasbro ta comprometi na calidad y exito na largo plaso den e industria di gaming.



Segun Ayoub, video games ta integral pa e strategia di futuro di Hasbro, habri e caminda p'e evolucion di e compania durante e proximo siglo. Cu seleccion cuidadoso di talento, Wizards of the Coast ta busca sigui entrega experiencia di wega excepcional.

Fuente: PC Gamer



NOW PLAYING



STAR WARS: EP. I THE PHANTOM MENACE - 25TH ANNIVERSARY

Jedi warriors Qui-Gon Jinn and Obi-Wan Kenobi are tasked with protecting a princess during a trade dispute between planets. During their mission, they meet a small boy who has the Force within him.



CHALLENGER

Tashi, a former tennis prodigy turned coach is married to a champion on a losing streak. Her strategy for her husband's redemption takes a surprising turn when he must face off against his former best friend and Tashi's former boyfriend.



THE FALL GUY

After leaving the business one year earlier, battle-scarred stuntman Colt Seavers springs back into action when the star of a big studio movie suddenly disappears. As the mystery surrounding the missing actor deepens, Colt soon finds himself ensnared in a sinister plot that pushes him to the edge of a fall more dangerous than any stunt.



THE GARFIELD MOVIE

After Garfield's unexpected reunion with his long-lost father, ragged alley cat Vic, he and his canine friend Odie are forced from their perfectly pampered lives to join Vic on a risky heist.

For Showtimes and online ticketing: www.caribbeancinemas.com

Desde inicio di Gobernacion

Prome Minister a baha gastonan di personal di su ministerio cu 78% compara cu ministerio anterior di Mike Eman

1.13 KOSTEN BUREAU MINISTER-PRESIDENT


Ook het bureau van de Minister-President kampt met een schrijnend tekort aan personeel, net als (bijna) overal in de publieke sector. Indien dit vergeleken wordt met de voormalige Minister President Eman (AVP), bedraagt het verschil 124 minder. Het daarmee bezuinigd bedrag is Afl. 8.8 miljoen, oftewel 78%. Hiermee heeft de Minister-President ruimschoots voldaan aan de afspraken gemaakt in het Regeerakkoord.

Bureau MinPres	Eman 2017	Wever-Croes 2023	Vershil	%
Aantal medewerkers	147	23	124	84%
Totale salariskosten	11.323.300	2.521.184	8.802.116	78%

Deze kosten zijn volledig binnen de begroting gebleven.

PERSONEELSVERLOOP 2017-2023

Het aantal personeelsleden is vanaf 2017 per saldo verlaagd van 4.869 tot 4.241. Dat is per saldo 628 FTE minder dan bij de start van het BVP, een verlaging van 13%.



	2017	2018	2019	2020	2021	2022	2023
Bezetting per eind v/h jaar	4.869	4.823	4.743	4.629	4.518	4.432	4.241
		-46	-126	-240	-351	-437	-628

DURANTE presentacion di e Relato Anual 2023, Prome Minister Evelyn Wever-Croes a toca e topico di e gastonan di su ministerio. Prome Minister a splica cu den e Relato Anual tin un splicacion di tur loke e gastonan tabata, den comparacion cu e cantidad di trahadonan.

Manera ta conoci, un critica cu pueblo semper ta trece dilanti, ta e cantidad di persona cu tin trahando den e ministerio di Asuntonan General. Pa cu esaki ta importante pa menciona cu na 2017, cu ta e ultimo aña di Gabinete Eman, Mike Eman tawata tin den su ministerio un total di 147 persona riba payroll. Esaki ta un total di 11.323.300 florin na gasto di salario.

Compara cu e cantidad halto di personal cu Mike Eman tabata tin den su ministerio, Prome Minister na aña 2023 tabata tin solamente 23 empleado den su ministerio pa un total di 2.521.184 florin na gasto di salario, cu ta 8.8 milyon florin menos. Tambe mester menciona cu a pesar cu e total di trahado, compara cu e gobierno anterior ta asina abou, trabounan ta hopi mas eficiente den e gobernacion actual.

E compromiso di Gabinete Wever-Croes ta pa tin un maneho financiero responsabel y a demostra durante e añanan di gobernacion, di a cumpli cu e compromiso aki. Prome Minister a splica cu como mandatario di pais Aruba, e ta prefera di fortifica e departamentonan cu profesionalnan pa haci e trabou, y no tin 147 persona riba "payroll" cu mas sigur mirando e cantidad halto aki, no por tabata fisicamente den e edificio di bestuurskantoor trahando.

e Poder den Mi

MENSAHE DIVINO

Pidi den fe sin ningun duda.
Pasobra esun cu duda
ta manera un ola di lama
cu ta wordo lastra y tira door di biento.

~ Santiago 1:6 ~

e Poder den Mi

AWEMainta
E DIFERENCIA DEN NOTICIA

**CLICK AKI PA MANDA BO
OPINION OF COMENTARIO**

**E-MAIL NA
NOTICIA@AWEMAINA.COM**



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Aruba Bank a partner cu Kiwanis Club of San Nicolas pa engrandece King's Night Street Fair




KIWANIS Club of San Nicolas su King's Night Street Fair ta un evento cu anualmente ta tuma luga den Caya Grandi di San Nicolas en conexion cu celebracion di Dia di Rey. E evento a conta cu musica, cuminda, y bon ambiente. E King's Night Street Fair ta trece hunto empresarionan local, artistanan, y habitantenan pa un anochi di entretenimento y celebracion.

Basa riba e exito di e evento di aña pasa, King's Night Street Fair a bolbe cu mas iniciativa pa ofrece na nos comunidad.

E aña aki un "Food Court" a wordo introduci den e parking lot di Aruba Bank su sucursal na San Nicolas caminda bishitantenan por sinta trankil y savoria nan plato.

Nos a brinda e espacio extra aki pa sigura un experiencia comodo y placentero pa tur bishitantenan.

Nos ta hopi contento di a partner cu Kiwanis Club of San Nicolas y nos ta comprometi pa sigui sostene iniciativanan cu ta trece nos comunidad hunto.



Minister Ursell Arends:

Aruba ta compromete pa alcanza cero emision di carbon pa 2050

Hunto cu iniciativanan sostenibel pa turismo y aviacion



DURANTE e “ICAO Global Implementation Support Symposium 2024” na Santa Domingo, Minister Arends a dirigi palabra na lidernan mundial y a delinea e compromiso di Aruba pa alcanza e obhetivo global di cero emision di carbon pa 2050.

Enfatisando su rol como Minister di tanto e sector di transporte como proteccion di naturalesa, Minister Arends a sigura e compromiso firme di Aruba na e meta aspiracional a largo plaso pa integra practicanan sostenibel y trece balans entre e sector di turismo y e preservacion di naturalesa.

“Nos ta enfrenta desafionan unico como un isla chikito cu ta depende ariba conectividad aereo. E dependencia aki riba turismo—cual mayoria ta turismo aereo—ta rekeri nos pa reevalua e impacto di e crecimiento di e sector aki,” e Minister a menciona. “E capacidad di carga di Aruba pronto

ta un tema relevante cu bibando den nos comunidad, cu lo rekeri un ahustacion na e desaroyo di e sector di turismo, alabes un efecto siguiente lo ta riba emisionnan di carbon. E balans entre transporte aereo y conservacion di naturalesa ta bira esencial pa Aruba su futuro.”

Puntonan principal cu a wordo menciona ta:

- **Conseho Nacional di Resiliencia Climatico (NCRC):** Aruba a establece un conseho dedica pa mehora e resiliencia climatico di nos isla, poniendo como punto di salida e bienestar di tanto sociedad como naturalesa pa futuro generacionnan.
- **Plan di Accion Estatal pa Aviacion:** Siguiendo e guianan di ICAO, Aruba ta desaroyando un plan comprensivo pa reduci emisionnan di aviacion mediante combustibelnan sostenibel, tecnologia nobo, mehoracion operacional, y compensacion di carbon.
- **Colaboracion Regional y Internacional:** Aruba ta sigui participa activamente den e Comision de Aviacion Civil di Latino America (LACAC) y ta uzando su relacion como parti di Reino Hulandes pa comparti conocimiento y fortalece esfuersonan colaborativo contra desafionan climatico.

Minister Arends a resalta e necesidad pa strategianan di adaptacion. Por ehempel e posibel impacto di subida di nivel di lama, riba infraestructura di Aruba su aeropuerto. Subrayando e urgencia di planificacion pa e sostenibilidad a largo plaso di e conectividad di e isla.

“Enfrentando e realidad di cambio climatico, strategianan no solamente mester enfoca riba mitigacion pero tambe adaptacion,” e Minister a conclui.

Ganadonan di periodo 4 y 5!

Encuesta di entrada & gastonan 2023-2024

DIA 15 di November 2023, Oficina Central di Estadística (CBS) a cuminsa cu e Encuesta di Entrada y Gastonan.

Manera nos a menciona e encuesta di Entrada y Gastonan ta encera 2 parti:

- Hogarnan participante lo wordo puntra pa contesta algun preguntanan tocante gastonan cu e hogar a haci durante e 12 lunanan cu a pasa prome cu e encuesta aki
- Hogarnan participante lo wordo pidi pa yena un Buki di Gastonan Diario.

Den e buki aki tur gasto di tur miembro di e hogar mester wordo yena pa un periodo di 2 siman.

Teniendo na cuenta e esfuerso cu un hogar mester haci p'e encuesta aki,

CBS a logra bin cu un incentivo pa hogarnan participa. Hogarnan cu a participa completo na e encuesta aki a duna nan number di telefon pa asina nan por participa pa gana un incentivo cu ta un bon di supermercado na balor di Afl.100

CBS ta anuncia e ganadonan di e di cuater y di cinco periodo y alabes ta mantene e anonimidad di e hogarnan ganado. E 10 hogarnan ganado pa e di cuater periodo cu a tuma luga den luna di februari 2024 ta parti den e siguiente areanan di Aruba: 3 den Noord, 2 den Oranjestad, 1 den Santa Cruz, 3 den Savaneta y 1 den San Nicolas.

E 10 hogarnan ganado pa e di cinco periodo cu a tuma luga den luna di



maart 2024 ta parti den e siguiente areanan di Aruba: 3 den Noord, 3 den Oranjestad, 1 den Santa Cruz, 1 den Savaneta y 2 den San Nicolas.

CBS a tuma contacto cu e hogarnan aki pa asina nan por busca nan bon di supermercado. Na comienso di Mei 2024 lo saca e ganadonan di periodo 6. Di e manera aki CBS kier sigui incentiva hogarnan pa coopera cu e Encuesta di Entrada & Gastonan 2023-2024.

COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

📞 787-999-3292

📷 @caribbeancinemasaruba

📺 Caribbean Cinemas Aruba

DOWNLOAD OUR APP

Aruba a gosa di un bunita celebracion na Wilhelmina Park riba Dia di Rey



DIASABRA dia 27 di April, Aruba a celebra den grandi Dia di Rey. E celebracion aki ta en conexion cu e fecha natal di Rey Willem Alexander y ta wordo celebra tur aña na Aruba den grandi.

Riba e mainta aki, E comision encarga cu e celebracion a organisa un bunita evento na unda por a presencia un desfile di e diferente gruponan di scout, un bunita discurso di presidente di Parlamento señor Edgard Vrolijk y entretenimento di gruponan di baile. Tambe a haci uzo di e oportunidad aki pa haci entrega di e premionan di Felipe B. Tromp.

Prome Minister a splica cu Aruba, tur aña ta celebra Dia di Rey den grandi y ta gradici e comision encarga cu e celebracion aki, pa nan trabou incansabel pa haci e evento aki, un biaha mas uno exitoso.



Conferencia di Decada di Oceano 2024 ta termina cu Declaracion di Barcelona

Y cu Coastal Clean na Aruba door di Scolnan di UNESCO na Aruba



E conferencia di Decada di Oceano 2024, teni na Barcelona for di 10 te 12 di April, cu participacion di mas di 1,500 participante for di 124 pais y mas di 3,000 persona online, a termina cu e presentacion di e Declaracion di Barcelona. Un ruta clave pa avansa iniciativanan oceanico.

E declaracion ta identifica prioridadnan principal pa amplia ciencia y conocimiento di oceano, enfatisando e co-diseño y co-entrega di ciencia pa trata desafionan importante manera contaminacion maritimo y economia sostenibel oceanico. Fuera di esaki, a discuti rekisitonan esencial pa infraestructura di ciencia di oceano, cu atencion riba uzo di tecnologia avansa pa un uzo husto di datonan. E conferencia a cubri diverso tema dirigi na promocion di un oceano limpi, saludabel y resiliente; economia oceanico cu ta sostenibel y resiliente; oceano sigur y predicibel; un oceano interesante y atrayente pa tur hende.

Den corto e decada di oceano ta un esfuerzo global pa promove investigacion y maneho sostenibel di lama. E decada ta core entre 2021 pa 2030 y IOC/UNESCO ta coordina esaki pa Nacionnan Uni, ademas esaki a bira e iniciativa di ciencia di oceano mas grandi tuma den historia.

E decada ta consisti di 10 desafio, por ehemplo: Compronde y elimina contaminacion maritimo; Proteha y restaura ecosistema y biodiversidad; Desaroya un economia di oceano sostenibel y equitativo; Desblokea solucionnan di lama pa cambio climatico; Aumenta resiliencia di comunidad na peligernan di lama.

Ta premira cu lo soluciona e 10 desafionan pa 2030. Pa medio di diferente programa y proyectonan unda nos lo yega na e 7 resultadonan di e Decada di Oceano, cu ta describi e oceano/lama cu nos kier.

Relaciona na e 10 desafionan y Dia di Tera 2024, cu tema 'Planeta Contra Plastico', dr. Marck Oduber di UNESCO Aruba a duna diferente presentacion na scolnan di UNESCO, relaciona na e desafio number 1 di e Decada Oceanico, cu ta 'Compronde y elimina contaminacion maritimo'. E serie di presentacionnan a presidi e

limpiesa di nos areanan na canto di lama cu a haci limpi diasabra 20 di April, door di: Scol Basico Pr.Amalia, Scol Basico Hilario Angela y EDUCAMPUS. Tur tres scol ta forma parti di e red di scolnan di UNESCO.

Sr. Oduber a representa UNESCO Aruba y IOCARIBE na Barcelona Spaña durante e reunion relaciona na e Decada di Oceano cu a tuma luga entre 10-12 di April, 2024. IOCARIBE ta e oficina regional di IOC/UNESCO.

UNESCO Aruba ta orguyoso tambe cu Surfside Science di Metabolic Aruba, cu ta un iniciativa pa desaroya y duna validez na metodonan pa monitoria dato ambiental na costa, awor ta cataloga como un proyecto di e Decada di Oceano. Den Caribe tabata tin un falta di proyectonan relaciona na e Decada di Oceano, specialmente den Islanan den Desaroyo.

Pa informacion di e Decada di Oceano por acudi na pagina web <https://oceandecade.org>

APPAREL

BOAT ACCESSORIES

TODOMAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

Cuerpo di Bombero Aruba tambe tawata presente n'e Open Dag di Marinierskazerne Savaneta



TUR bishitante di e Open Dag na Marinierskazerne Savaneta por a disfruta di diferente actividad y demostracionnan durante dia. Nos Cuerpo di Bombero tambe tawata presente pa duna informacion y splica un poco mas di nan ekipo di trabou y tambe por a admira nan vehiculonan.

Grandi y chikito por a presencia un demostracion di un scenario caminda un persona cu ta keda pega den un auto despues di un accidente ta wordo libera door di e bomberonan. E bomberonan corta e auto di forma strategico pa libera e persona y dunel'e prome auxilio.

Despues a sigui un demostracion con nos Cuerpo di Bombero ta combati candela. E scenario a cuminsa ora cu un auto a pega candela. Na yegada di e brandspuit na e sitio, por a observa cone bomberonan a controla e situacion y a traha den ekipo pa combati y paga e candela.

Cuerpo di Bombero ta sumamente contento di por a forma parti di e exitoso Open Dag di Marinierskazerne Savaneta y di por a mira e entusiasmo di e bishitantenan. E bomberonan a haya e oportunidad pa por a comparti y demostra na e bishitantenan kico tur ta e trabou di nos Cuerpo di Bombero.

MENSAHE DI DIA
3 mei, 2024

AMITA

Laga los di e necesidad di perfeccion
y ta confia den mi habilidad
pa siña di mi foutnan.


*e Poder
den Mi*

Aruba Dance Studios ta orguyoso pa anuncia

Un iniciativa nobo pa trece baile na un luga iconico y unico na Aruba

AWE 3 di mei lo t'e prome edicion, di ADS Social Nights na Museo Historico Aruba, miho conoci como Fort Zoutman & Willem III Toren, na playa.

Diabierna awor nos lo ofrece un tayer di Bachata y un demostracion di Kizomba Community Aruba. DJ Anthony y DJ Jarzino lo zorg pa tur hende baila non-stop. Lo tin arte local, snack local, cerbes local, sonrisa local y alegria local, pa nos bishitantenan disfruta di un anochi tropical, Caribense unda lo tin Salsa, Bachata, Merengue, Kizomba, Bailable, Son Montuno y mucho mas.



Tur Diamars Fort Zoutman tin Bon Bini Festival pa ofrece nos turista algo di nos cultura, tradicion y historia. Cu baile nos kier muestra nos comunidad diversica cu ta uno uni.

Cu evento aki nos kier recauda fondo pa Stichting BailAruba, por desaroya programanan pa nos mayornan, muchanan y esnan visualmente incapacita.

Pa mas informacion 592-2166



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

**45%
OFF**



**FREE
MICROCHIP**

Scol di idioma ta entrega diploma na DIMAS

DOS grupo di empleado y funcionario di directiva na DIMAS, a ricibi for di director di Scol di Idioma Yolanda Croes, nan diploma 'Juridisch Nederlands' y 'Technisch Spaans'. Docentenan pa e cursonan aki tabata pa e parti Hulandes Sra. drs. Lelicia Tromp y p'e parti huridico abogado Sra. mr. Désirée Croes. E curso 'Technisch Spaans' tabata den man di docente Sra. Gilienne Vrolijk. Ambos curso tabata riba nivel di B2 y C1 segun Marco Comun Europeo di Referencia pa idioma (MCER). MCER ta un marco internacional pa describi competencianan linguistico riba nivel A1+2 (Principiante) B1 + B2 (Intermedio) y C 1+2 Avansa.

Den ambos curso algun graduado a sobresali y a gradua "With Honors", locual ta nifica cu un promedio di 9. Pa Juridisch Nederlands a ricibi nan diploma: Shjirma Lampe-Croes, Iveline Jansen, Jennifer Paula, Sandy Soekandar, Eduard Vos (With Honors y miho graduado overall) Gwendolyn Maduro y Benjamin Dijkhoff (With Honors), Benjamin Frans (C-1 & With Honors), Miriam Maduro, Marilyn Wout (C-1 & with Honors). Rios v/d Linden Louisa y Lina Habboub a sigui e curso Hulandes Basico Online cu bon resultado.

P'e curso Technisch Spaans B2, a gradua Ingrid Carrasquero,



Christiaan Dammers, Benjamin Dijkhoff, Benjamin Frans, Jacqueline Harewood, Lina Habboub Homs, Iveline Jansen, Miriam Maduro, Stanley Orman, Sandy Soekandar, Eduard Vos y Rios v/d Linden Louisa (Nivel C1 - with Honors).

Pabien na tur graduado cu nan bunita resultado. Scol di Idioma ta felicita gerente di DIMAS pa nan vision y diligencia den upgrading di nan personal. Riba e potretnan por aprecia e graduadonan den compania di nan director, Sra. Kathleen Ruiz-Paskel, director suplente Sra. Monique van Wilgen y Gerente di HR Sra. Shjirma Lampe-Croes.



Fortaleza pa Famia

No biba di ilusion, laga nos fe ta ancra den Cristo Hesus

ILUSION ta un pensamento cu e enemigo ta pone den mente di hende pa desvia nan for di e berdad, y laga nan pensa cosnan cu Dios no ta aproba, y reta Dios pa medio di orguyo y arrogancia.

Ora ilusion no wordo logra e comberti su mes den desilusion. Pasobra tur locual Dios a bisa ta berdad y no ta cambia, y asina un hende ta bay contra e berdad di Dios e ta biba di ilusion. Señor a duna e mandato pa lanta un comunidad di fe y no di ilusion, e palabra mester wordo predica pa tur hende por sa cu ta pa gracia nos tur ta salba pa medio di fe.

Tur hende mester sa cu Cristo Hesus ta e unico caminda di berdad y bida y ningun hende no por yega cerca e Tata sino ta pa medio di Cristo Hesus. Bo no por ricibi salvacion sino ta pa medio di Cristo Hesus. Ningun hende no por cambia e fundeshinan di norma, balor y santidad estableci pa Dios, mundo por cambia, pero e palabra di Dios nunca lo cambia.

Nos Señor Hesus a papia un palabra cu nos no por lubida Juan 17:17 - Santifica nan den e berdad, bo palabra ta e berdad. Esey ta nifica cu e palabra di Dios mester ta mas importante pa nos cu locual hende ta bisa.

Romanonan ta papia cla bisando: Pasobra door di gracia duna na mi, mi ta bisa cada un di boso, pa no pensa mas halto di su mes, cu e mester pensa: ma mas bien pensa di su mes cu sano huicio di acuerdo cu e midi di Fe, cu Dios a duna.

Tin hopi trosedor di palabra di Dios cu ta yena hende cu ilusion, enbes di bisa nan e berdad, pero tin cosnan cu hende mester sa y no lubida, cu sin pas y sin santidad ningun hende lo mira Dios.

No tin crecimiento sino tin arepentimento, pasobra Dios conoce cada curason y cada pensamento, y asina ningun hende por haci bofon di Dios. Pasobra tur cu ta naci di Dios ta vence mundo, y esaki ta e victoria cu a vence mundo, nos fe.

Enemigo lo haci tur locual ta posibel, pa Fe di hende, tambalia y kere den cosnan cu no ta existi, tambalia y reta Dios, y cay den desilusion.





Pasobra den 2 Thesalonisensenan 1: 9-12 e palabra di Dios ta bisa lo siguiente: Y cu tur e engaño y inikidad pa esnan cu ta perese, pasobra nan no a acepta e amor pa e berdad, pa nan por wordo salba. Y pa e motibo aki Dios lo manda riba nan un influencia di eror, pa nan kere mentira. Pa nan tur wordo husga, kendenan no a kere e berdad, ma a hiba gusto den e maldad,

Locual ta para skirbi ta locual ta wordo ripiti den Galationan 5:19-21 y 1 Corintionan 6:9 y Romanonan 1:18-32. Tur esaki y mas ta pa preveni hende di wordo desilusiona.

Pasobra Dios a stima mundo asina tanto, cu E a duna su Yiu unigenito, pa ken cu kere den Dj'E no bay perdi, ma tin bida eterno. Tur hende cu no acepta esaki, ta cay den desilusion, pasobra nan no a acepta e amor di Dios, nan a rechasa e plan di salvacion cu Dios a manda pa henter mundo.

Nos mester ta masha cauteloso cu esaki, pa asina guia nos cas y nos famia den e caminda di Dios. Ta momento pa nos drenta den oracion, y pidi Dios su misericordia pa henter mundo.

Sinceramente, Pastor Marcel Balootje



"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi". - Salmo 33

Cu dolor na nos curason, nos ta participa fayecimento di nos ser stima:

Libia Maria Lampe-Croes
Cariñosamente yama "Machi Libia"
*29-09-1931 - †26-04-2024

Acto di entierro lo wordo anuncia despues



Gradicimento y invitacion

Di profundo di nos curason nos ta gradisi tur hende cu di un of otro manera a musta atencion, amor y cariño durante bida, fayerimento y despedida di nos defunto stima: Boso muestra di atencion ta di gran sosten pa nos.

Sr. Candido Jacobo Angela
Mihor conosi como "Coby of Cobito"

Un danki na un y tur cu a manda carchi, Whatsapp, mensahe riba Facebook, e-mail y a hasi yamadanan telefonico. Boso muestra di atencion ta di gran sosten pa nos.

Un danki special na e verzorgersnan di Welthuis Buytenhaghe.

Tambe na Aurora Funeral Home pa cu su bon servicio y atencion.

Alabes ta invita tur famia, amigo y conosirnan pa 3 santo sacrificio di misa cu lo tuma lugar na Misa Inmaculada Concepcion na Sta Cruz: Diahuebs 2 di mei 2024 pa 7or di anochi Diasabra 4 di mei 2024 pa 7or di anochi Diamars 7 di mei 2024 pa 7or di anochi

Cu nos defunto stima sosega na paz den reino di Señor.



Laga tur loke ta spera mi ta bunita Laga tur locual cu mi encontra na caminda ta bunita Laga tur locual cu mi laga atras keda bunita y Laga esakinan termina den tur bunita. Autor: Cado Wever.

Cu inmenso dolor na nos curason, nos ta anuncia fayecimento di nos ser stima:

Lurbia Maria Maduro
Cariñosamente yama "Lulu of Mamita"
*11-12-1927 - †27-04-2024

Acto di entierro lo wordo anuncia despues



Lagrima y floran por seca, su recuerdonan y tur loke el a haci y significa pa nos lo keda graba pa semper den nos mente y curason. 'Cerca Dios mi alma ta na paz, ta di DJ'E mi salvacion ta bin' - Salmo 62:1

Cu dolor na nos curason, nos ta participa fayecimento di nos ser stima:

Irma Winterdaal-Angela
Cariñosamente yama "Nani"
*17-09-1934 - †30-04-2024

Acto di entierro lo wordo anuncia despues

Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Installacion
- ✓ Material di Calidad
- ✓ Design



"Dios ta amor y esun cu ta biba cu amor
ta keda den Dios. 1 Huan 4, 16
Maske mi no ta na e mundo aki,
tur dia lo mi ta banda di boso curason,
mi por stens di loke Señor ta haci" Salmo 33

Cu inmenso dolor na nos curason, pero conforme cu
Dios Su Boluntad, nos ta participa fayecimento di nos
mama, wela y bisawela stima:

Annie Brete-Dirksz

Mihor conoci como "Annie"
*06 mei 1930 - † 26 april 2024

Na number di su:
Esposo stima:
†Antonio Brete

Yiu nan stima:
Teofilo Brete y Rober Restrepo Herrera
Maria Brete y yiu nan
†Icho Brete
Silo Brete y Esposa Flora Brete-Arends y yiu nan
Erica Orman-Brete y Esposo James y yiu nan
Roy Brete y Esposa Reina Brete-Boekhoudt y yiu nan
Natalia (Sita) y †Esposo Benedict Nisbet Brete
Linda Brete y yiu nan
Jose Brete

Nieto nan stima:
Liliana
Carlos y Cathy
Silienne, Sirla,
Jane y Ryan
Haime y Angele
Roderick y Dayanira
Roxienne y Jonovan
Eunice y Yakari
Priscylla y Janine

Bisanieto nan stima:
Kaylee, Xhaidon, Riandra, Zeena, Negan, Zane.

Rumannan:
†Juancito Angela y †Julianita y yiu nan
†Pichi Kock y †Marianita y yiu nan
†Maria Giel y †Mauricio y yiu nan
Sebastiana Thiel y †Jose y yiu nan
†Feliz Kock y †Romana y yiu nan
Nene Kock y †Florita y yiu nan
Padu Kock y Ida y yiu
Eloiza Koolman y †Buchi y yiu nan
Rita Kock y yiu nan

Su swa y cuña nan:
†Tarcisio Brete y †Isabel Fernandez y yiu nan
†Agnes y †Juan Falconi y yiu nan
Sabina y †Mencho Danies y yiu nan
Teresita y †Gregorio Danies y yiu nan
†Benny y Filomena Brete-Figaroa y yiu nan
†Nora y †Victoriano Willems y yiu nan
Catharina y Hubert Lampe y yiu nan

Ihanan, comer y compernan, suegro y suegra nan, tur su
bon bisiñanan, amigo y amiga nan di cas, conocirnan,
tur esnan cu a stime.

Ex Miembro activo di Legion di Maria di Tanki Leendert.

Demas famia nan:
Brete, Dirksz, Vrolijk, Dabian, Restrepo Herrera, Carrera,
Arends, Orman, Boekhoudt, Nisbet, Semeleer, Kock,
Angela, Thiel, Giel, Koolman, Sherwood, Thielman,
Falconi, Danies, Figaroa, Willems, Lampe, Van der Linde,
Robles, Croes, Henrich Falcon, Rosel, Gabriel Torres,
Nicolaas, Jacopucci, Donata, Dijkhoff, Kelly, Helder.

Nos disculpa si den nos tristesa nos por a lubida un of
otro familiar.

Ta invita pa e acto di entierro cu lo tuma luga **diabierna,
3 di mei 2024**. E restonan di nos defunto stima "Annie" lo
ta reposa di 2:00 pm pa 4:00 pm den misa San Francisco
di Asis Pro-Cathedral y despues lo sali pa Santana
Catolico di playa.

Nos disculpa cu despues di entierro nos no por ricibi
bishita di condolencia na cas.



"Dios ta amor... y amor ta Dios, maske mi no ta na e
mundo aki, tur dia lo mi ta banda di boso Curazon,
mi por stens di loke Señor ta hasi". - Salmo 33

Cu inmenso dolor na nos curason pero conforme cu
boluntad di Dios nos ta anuncia fayecimento di nos
kerido casa, tata, welo, bisawelo y tatarawelo stima:

Felix Enrique Willems

Mihor conoci como:
"Eric", "Agu", "Cachan", "Jerry"
*15-07-1935 – †21-04-2024

Na number di su:
Casa Stima:
Maria Paulina Willems-Donata

Yiunan stima:
Erica y Stewart Salomon-Willems
Judith y Eric Salomon-Willems
†Felix Willems y famia
Marjorie Willems y †Humphrey Flanegin
Jane Willems
†Suzanne Willems
†Eri Willems
†Jerry Willems
Ilsen Willems y Gilbert de Cuba Elvis Willems y Lourdes
Croes
Sandra y Elton Maduro-Willems

Mayornan:
†Chalie Maduro y †Clemencia Willems

Rumannan:
†Ursula Centeno-Willems y famia, †Evelina Centeno-
Willems y famia, †Mario Willems y Famia, †Nasario
Willems y famia, Seferino Willems y famia, Poli Willems

Nieto(a)nan:
Suyenne, Jaymir, Aldrin, Yalejandra, Bruce, Nadia,
Jurick, Nolan, Marylaine, †Chantal, Ilsiene, Taryn,
Tyron, Elvin, Elgonne

Bisanieto(a)nan:
Sunuely, Johnue, Naychenne, Naychonne,
Nayronne, Oshwald, Brandon, Bruceleen, Zi-ön, Ziah,
Sage, Jayrienne, Xiquion, Richlaine, Riondrick

Tataranieto y Tataranietanan:
Xyleena, Xyriëlle, Xyenna, Chrisdevion

Sw a y cuñanan:
†Nora Dania-Donata y famia, Aurita y Martin Croes-
Donata, Vencita y †Chu Perez-Donata y famia,
Chico y Ineke Donata-van de Kooy y famia, †Janjo
Donata y famia, Theresita y Harold Odor y famia

Suegro(a)nan, madrina y padrino nan, primo(a)nan,
subrino(a)nan, amigo y conocirnan.

Ayudante: Lies, Dr. Gonzalez y Dr. Anthony.

Demas famianan:
Willems, Donata, Salomon, Maduro, Dania, Croes,
Perez, van de Kooy, Luidens, Jansen, v/d Biezen,
Centeno, Ras, Camara, Eduarda, Simon, Tromp,
Dundas, Orman, Cordero, Abdul, de Mei, Romano,
Geerman, Rijke, Flanegin, Godoy, Silonero, Winklaar,
de Olde, Yarzagaray, Peña, de Cuba, Webb,
Ramon, Valdez, Williams, Leyba, Vrolijk, Oduber,
Petrocchi

Demas famianan na Hulanda, USA, Sto. Domingo

Nos ta pidi nos disculpa si den nos tristesa nos por a
lubida algun persona of famia.

Ta invita demas famia, amigo(a)nan y conocirnan
pa asisti na e acto di entierro cual lo tuma lugar
Diabierna 3 di mei 2024 di 2or pa 4or di atardi na
misa Inmaculada Concepcion na Santa Cruz.

Despues lo sali pa santana catolico di Santa Cruz.

Despues di entierro nos no por ricibi bishita di
condolencia na cas



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forza".
Salmo: 23

Nos ta anuncia fayecimento di:

Virginia Antoine

Cariñosamente yama: "Pito"

Ta invita tur famia, amigo y conocirnan pa asisti
na e acto di condolencia cu ta tuma lugar
Diabierna 3 di mei 2024 for di 7'or pa 9'or pm na
Aurora Funeral Home.

Acto di entierro lo tuma lugar **Diasabra 4 di mei
2024** na Aurora Funeral Home di 2 pm pa 4 pm y
despues lo Sali bai pa santana central na Sabana
basora.

Nos ta lamenta cu despues di entierro nos no ta
ricibi bishita di condolencia na cas.



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu profunfo tristeza na nos curazon nos ta
anuncia fayecimento di:

Luis Alexis Torres Boya

Mihor conoci como: "Papi Alex"
*20-11-1969 - †28-04-2024

Ta invita tur famia, amigo y conocirnan pa asisti
na e acto di condolencia cu ta tuma lugar
Diasabra 4 di mei 2024 for di 7'or pa 9'or pm na
Aurora Funeral Home.

Cremashon lo tuma lugar den seno familiar.



Mi karnénan ta tende Mi bos,
i Mi konosé nan, i nan ta siguiMi;
i Mi ta duna nan bida etèrno, i nan lo no peresé
nunka; i ni un hende
lo no ranka nan for di Mi man.
Mi Tata, Kende a dunaMi nan,
ta mas grandi ku tur; i ni un hende no por ranka
nan for di man di Mi Tata.
Juan 10: 27-29

Glenn F. de Windt

*19-12-1965 - †28-04-2024

Acto di despedida lo wordo anuncia despues



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com